



Australian Government
Department of Home Affairs



Lukaut bilong pikinini insait long English Program bilong ol Maigrent Manmeri (Adult Migrant English Program)

Yu nidim sampela lain long lukautim pikinini bilong yu na yu ken go long ol English Program bilong ol Maigrent Manmeri (Adult Migrant English Program - AMEP) klas? Taim yu stap insait long wanpela AMEP klas, i gat fri lukaut bilong pikinini i stap long ol liklik pikinini bilong yu, husat i no inap long go long skul.

AMEP sevis provaida bilong yu bai traिम long mekim dispela lukaut bilong pikinini i kamap na em bai stap long ples we i kisim 30 minit tasol long go long en long haus bilong yu o long ples we AMEP i stap long en. Sampela taim, dispela kain helpim bai i no inap long kamap. Ol AMEP sevis provaida bai traिम bes bilong ol long painim ples bilong lukautim pikinini we i stap klostu long yu.

Ol AMEP sevis provaida bai stretim lukaut bilong pikinini we i bihainim stat taim bilong AMEP kos bilong yu. Ol bai traिम tu long kisim lukaut bilong pikinini long ol de we yu bai stap insait long klas. Sampela taim, ol ples bilong lukautim pikinini bai i no redi yet o ol bai lukautim pikinini bilong yu long pat-taim tasol na yu bai wet long ol narapela de bilong ol long kamap fri.

Fri lukaut bilong pikinini em i bilong ol taim we yu go long wanpela AMEP klas. Dispela fri lukaut bilong pikinini em i no bilong ol ektiviti we i autsait long ol AMEP klas taim. Taim yu i no go long wanpela AMEP klas, o sapos yu pinisim skul bilong yu, yu yet mas mekim ol wok bilong kisim lukaut bilong pikinini. Sapos pikinini bilong yu o ol pikinini bilong yu i no go long ples bilong lukautim pikinini, em i impoten olsem yu tok save long AMEP sevis provaida bilong yu. Dispela em bai helpim ol long senisim ol taim we ol i bin makim long ol dispela ples long lukautim pikinini bilong yu.

Sapos yu no kam long planti bilong ol AMEP klas, sevis provaida bai kenselim lukaut bilong pikinini we em i bin putim i stap long pikinini bilong yu. Sapos yu kam bek long AMEP klas, yu bai kisim gen fri lukaut bilong pikinini, tasol yu bai nid long wet gen long wanpela spes long kamap fri long ples bilong lukautim pikinini.

Taim yu kisim ol helpim long lukautim pikinini bilong yu, AMEP sevis provaida bilong yu bai givim yu sampela opsen we yu ken stat long stadi hariap. Eksampel, ol i ken askim yu long:

- Stadi long wanpela komyuniti senta we i gat wanpela ples bilong lukautim pikinini i stap long em
- Travel i go longwe moa long ples yu stap long em
- Stadi wantaim wanpela volentia tisa o mekim distens lening i go inap ples bilong lukautim pikinini i gat spes long lukautim pikinini bilong yu.

Sapos arenjmen bilong lukautim pikinini i no inapim ol samting we yu nidim, yu mas toktok wantaim AMEP sevis provaida bilong yu.

Long moa infomesen long rot bilong lukautim pikinini plis toktok wantaim AMEP sevis provaida bilong yu.